

觀

象

玩

占

觀象玩占庚集目錄

第二十七卷

房宿雜座

心宿

尾宿

箕宿

第二十八卷

斗宿雜座

牛宿

女宿

第二十九卷

虛宿雜座

危宿

室宿

壁宿

第三十卷

奎宿雜座

婁宿

胃宿

第三十一卷

昂宿雜座

甲宿

寅宿

參宿

觀象玩占卷之二十七

房宿雜座

鈞鈴

總敘

鈞鈴二星在房東近右股右膝兩星之間天子之腹心喉舌也  
二星去房上星七寸近則君臣同心星不明及去房遠皆為天  
下不和王者絕後二星疎拆則地動河清

雜干犯占

月犯鈞鈴四馬駕將有行一曰喉舌臣憂一曰王者憂一曰月犯

乘鈞鈴大臣有誤天子不事天以致火災于宗

廟有匿謀在廟中

五星犯守鈞鈴大臣誅王者憂一曰太僕奉車當之

火星逆行犯鈞鈴王者憂一曰天子侍臣俱亡

土星守鈞鈴王者失天下

客星出鈞鈴地動犯之人主有奔馬之敗

彗星犯鈞鈴王宮大亂不出三年

鍵閉

總敘

鍵閉一星在房東北主管籥開閉之官星明則吉不明則人主惜  
亂宮門不禁星亡則關梁不通

雜干犯占

月犯鍵閉天子憂大臣誅一曰王者不宜出宮一曰有兵宮中有  
火災一曰有匿兵於宗廟者

五星犯守鍵閉兵起天子憂

土星犯鍵閉王者不出宮下殿

彗星出犯鍵閉道路不通兵車滿野

罰星

總叙

罰三星在東咸正西南北列主誅罰星直而正則法令平曲而斜則刑罰不中一曰罰主贖刑

雜干犯占

月化罰誅貪臣

木星犯罰貪臣亂政

土星犯罰與木同占

金水犯罰貪臣誅

彗勃出或守罰星天下多任法

東咸 西咸

總敘

東咸四星西咸四星皆在房心之北日月五星之道也一曰大明房之門扇常為帝側之屏以表障後宮防奸私星明而行列正則王者威令行妃后安其宮微小而行列不正若亡不見則人主弱妃后自恣奢淫無度防守者憂焦延壽曰東咸上近鈞鈴則有賊臣害王者西咸前近上若芒角搖動則有人以知天數人為害者

雜干犯占



月犯東西咸女主因淫致禍有陰謀不通一曰有賊

五星犯守東西咸臣有不從令者有陰謀

火星守東西咸有兵石氏曰先樂后憂一曰女主憂若貴女有  
戮死者邾萌曰有兵戰

客星守東西咸人主淫泆失道

客星出東西咸女主淫泆自恣一曰貴人女有憂若有黜者

客星犯東西女主自恣宮門不禁

流星入抵東西咸妃后淫泆自恣出入不特一曰女主亂宮天子憂

期一年遠三年

彗星出兩咸女主自恣宮門不禁貴女有憂

日星

總叙

日一星在房中道前太陽之精也主明德

雜干犯占

月掩日星臣謀君位期不出一年

歲星守日星王者得忠臣陰陽和守之二十日至四十日不去

四夷賓服年穀大豐

熒惑犯日星有大戰守之人主有憂

彗字犯日星人主失位一曰主命者惡之

從官

總叙

從官二星在積卒西北房宿西南主天子疾病巫醫星明大則  
巫醫弄權

雜干犯占

金火守從官巫醫有戮者

彗字出從官巫人作亂

黃氣入從官巫醫受賜

心宿雜座

積卒

總叙

積卒十二星在房心西南一曰衛士金官也士也士所以衛卒  
暴所以守衛明堂掃除不祥其星細小而明則吉明大動搖  
則君臣不寧朝廷起兵芒角動則有聚兵事星芒則兵出一星亡  
兵少出二星亡兵半出三星亡兵大出俱亡則國兵盡出士卒  
滿野

雜干犯占

歲星入積卒若守之兵大起士卒多死亡石士日期二年受感入  
守積卒兵大起士卒多死亡人君失位天下大亂鎮星占同  
歲星

太白辰星占同受感

客星出入積卒主兵之官憂石氏曰兵士為亂近臣有謀受誅  
士卒多死者

流星入積卒兵起將死近臣有誅

彗出積卒為謀星去疾則謀不成若守之大將有憂一曰

彗出積卒衛士為亂禍不成

尾宿雜座

天江

總叙

天江四星在尾北主太陰其星不欲明：大則天下水灾微小如常則陰陽和水旱調明而動則水瀑出江河溢五穀不熟民以水飢參差不齊則天下馬多死中河而居則兵起如流沙人死如麻以人渡河星不具則津梁不通芒角動搖則大水没城廓

雜干犯占

月犯天江天下有大水入城廓民飢去其鄉

熒惑守天江石氏曰有立王一曰賊起水中平咸曰天下有水乙巳  
占曰火守天江赤地千里民流亡

太白犯守天江河津不通

客星入天江關津絕道路塞二曰河津吏有憂

客星出天江有大水關津不通

客星歷天江有大兵攻主國

流星入天江有大水河海溢人飢

彗星犯歷天江有大兵攻主國

彗星出天江天下大水五穀不成人相食

赤氣出天江將軍出野

赤氣入天江大水

黃白氣入天江天子用兵出之兵罷

傳說

總叙

傳說一星在尾後河中主祝章為后宮祈神明保子孫春秋元命

包曰傳說主祝章巫官也章請号之聲也一曰傳說女巫也主王宮

之內祭祀祝祠鬼神祈禱子嗣詩云克禋克祀以弗无子此其

象也其星明大則王者多子孫後宮安藉小則宮少子



天子多禱祠動搖則後宮不安不見則後宮多疾病子孫不昌  
多死者石氏曰傳說星亡社稷无主焦延壽曰傳說星入尾則天  
下有詛說人主者若有巫醫之害

雜干犯占

五星犯守傳說王簡宗廟五祀後宮無子罔絕嗣

客星出富說王者少子孫有絕嗣

流星入傳說王者有子孫之憂出之有子孫之喜

彗星出傳說王者以祀非其神失禮為內外所謀一曰巫祝起讒  
臣匿宮中石氏曰王者少子孫君守之有絕嗣之君

赤氣入傳說巫祝之官受誅

魚星

總敘

魚一星在尾後河中一曰據星一曰蒙星主雲旗統陰事知雲雨之期其狀如星如雲忽主不明常居漢中則陰陽和風雨特大動搖則風雨失節有大水黃帝占魚星動搖則水瀑出魚星出河則旱大魚死海中占曰魚星中河而居則天下大水津道塞若出河外則天下大旱五穀不成一曰魚亡則少魚

雜干犯占

五星犯守魚星居其陽大旱魚益貴居其陰大水魚行人道  
巫咸曰火星瀑出魚星天下旱五穀不成民大飢

客星出魚星魚益貴再倍若守之動搖貴五倍一曰有大水  
不出一年

流星抵魚星大水魚益貴出之大水魚行人道

彗孛出魚星后黨及天下大水海魚出若守之天下大水

魚行人道不出其年

赤氣入魚星車騎滿野軍大動將軍憂

黃氣出魚星天子用事兵起人之兵罷

龜星

總敘

龜五星在尾南漢中曰連珠主贊神明定吉凶其星明則君臣和奉祀處神明享不明則上下乖離臣逆於君不事鬼神國不安主有憂其星不處漢中則川有易者曰天水旱萬物不成星亡則赤地千里

雜干犯占

五星化守龜星天下有水旱之災守其陽為旱守其陰為水甘氏曰火星守龜星天下大水去之疾則旱万物不成人飢石氏

曰火星守龜星兵起兵在外而守兵罷

客星入龜星小憂无傷曰天下倉粟發出之珠玉貴君守之君  
臣不和上下乖離

流星入龜星天下有水珠玉貴出之天下大旱五穀貴不其  
出年

郊明曰流星出龜星色青黑所之國大水色黃赤所之國大旱  
赤氣入龜星巫卜之官有誅

神宮

總叙

神宮一星在尾西第二星傍為附坐解衣之內室也

雜干犯占

箕宿雜座

糠星

總叙

糠一星在箕口前主簸揚給犬豕 糠星明則天下豐熟暗則

荒歉不見人則相食

雜干犯占

客彗守犯糠星主風雨

杵星

總督

杵三星在箕南木官也主春曰之用其星小而明則五穀成天下安不明則歲惡明而動則天下有兵杵曰用事軍糧急民失釜甑大去其鄉杵從則天下民食

足橫則人飢移徙則人失業不具則民棄釜甑

雜干犯占

五星犯守杵星天下有急發粟不出其年

玉歷曰火守杵國有賊米之令

客星出杵星而守之天下兵起有稅米粟之事

流星入杵星五穀貴杵不用

彗字出杵星歲大飢兵起

觀象玩占卷之二十七終

觀象玩占卷之二十八

斗宿雜座

天弁



總敘

天弁九星在建星北入河中市官之長也主列肆闐闐市籍之事商賈賦稅其星明大則市中物盛不明萬事衰耗黃帝占曰天弁星欲其明大不明則天下虛空五穀不成樂緯曰弁星羽也壬子候之羽亂則危其財有以女樂見主而為害者

雜干犯占

月犯天弁粟貴一犯一貴

五星犯天弁甘氏曰囚 兵起一曰五穀不成糴貴民大飢

客星犯天弁若出之有囚徒兵起五穀大貴

流星入天弁糴貴人飢若犯抵之兵起將士行

彗字出天弁室玉大貴五穀五倍万物不與國大飢若守犯入之囚徙兵起

建星

總敘

建星六星在南斗背下臨黃道一曰天旗二曰天關巫咸曰土官也為天之都官為謀事為天鼓又為天馬南二星天庫也中央二星市也鈇鎖也上二星旗附也為天之府庭斗建之間三光之道陰陽終始之門七政所起玉歷之原本也是為上古十

一月甲子天正大歷所起之宿其星均明則大臣忠王者得天  
心不明則天子失道忠臣不用參差不齊則天下亂動搖則  
民勞一星不具則人主憂之

雜干犯占

月犯建星大臣相譖一曰有亂臣更天子之法令一曰大將死一曰  
易相一曰近臣死

月掩建星有降兵 一曰易將

月在建星中食后妃姪婦有當黜者

月暈建星五穀不成大將死蛟龍見牛馬疫

月暈建星之口有德令

五星守化建星大臣相譖死臣謀主闕梁不通天下有水

木星守建星大旱飢人相食和萌曰天下多水馬貴一曰牛貴一

曰地氣洩貴人多死

木星入建星諸侯有謀入者期六十日若一百五十日

火星守建星臣出貴人死馬貴宰相憂之一曰大旱一曰三十日有

兵一曰有叛臣荆州占曰歲水民飢有自賣者玄冥占曰諸侯

有謀大臣有戮死者黃帝占曰火色青守建星北天下有辱

主西去天下有女主治者石氏曰火星化建星三十日色赤大旱

赤地千里民流滿道青黑天下有水女主憂又曰犯建星臣謀  
主曰大臣不親其君上下相疑兵起天子憂郝萌曰天下豈  
多死

火星入建星黃帝占曰臣有逃走者甘氏曰津水大出關梁不通  
郝萌曰火入建星人主謀罷兵出建星乃戰石氏曰火入建星  
留守之二十日以上諸侯謀反期百二十日

火星舍建星甘氏曰有置王郝萌曰馬大貴  
土星守建星居其陽曰宅賤居其陰曰宅貴

金星守建星外國使來出則有出使外國者一曰万物不成久守

黃帝占曰太白守建星滿二十日有大赦

太白入建星兵起閭梁不通

水星守建星大水穀貴

客星犯建星天子失道忠言者誅賢士逃亡

客星入建星有兵在外戰海中占曰君臣不和

客星入建星海中占曰年穀熟邾萌曰君不親其大臣上下相

疑主令不行 又曰大出橋梁不通

客星守建星人主自臨府事一曰多盜賊

客星來舍建星角不去有兵馬貴

客星入建星關梁不通兵起四塞民間多盜賊不出三年乙巳占  
曰天下謀色赤者昌

彗字犯建星天子失道忠臣誅賢士進

彗字出建星多盜賊道路不通子伐父弟伐兄有大兵

鼈星

總敘

鼈十四星在南斗南水虫也常居漢中主水族其星微而不明則  
雨澤將天下和星不居漢中則陰陽不和天下旱且有水災  
一曰有易川石氏鼈星不具有白衣之會以其去日占國

雜干犯占

五星守犯鬻星黃帝占曰有白衣之會石氏曰有大水至咸曰守  
陽則旱守陰則水

火星入鬻星郊萌曰天下大水去之則旱

玄冥占曰火守鬻星天下有易水之事

流星入鬻國有大水

流星出鬻星色青黑大水色赤黃大旱視其所之以命地若犯  
衝鬻星水虫死魚大貴

客星守鬻星有白衣之會若犯之有水一曰有水令



赤黑氣入鶩星有白衣會天下易政

天雞

總叙

天雞二星在狗國北主候時其星動移失常則多大水

雞干犯占

熒惑舍天雞天下旱守之三十日雞夜鳴人蚤驚焉若犯之兵起

金星犯天雞兵起

土星犯天雞民流亡

客星入天雞西北之夷且未降守之大水山推邾萌曰雞夜鳴  
天下晝驚

流星犯天雞兵起方伯

彗字出天雞雨暘失節水旱不時

狗國

總叙

狗國四星在建星東主三韓鮮卑烏桓擒狝之屬其星明則  
邊兵起不具則天下多盜一曰有大盜

雜干犯占

月犯狗國鮮卑烏桓凶奴之國亂

五星守狗國外夷有變

火星犯國荊州占曰順行天子出兵伐鮮卑烏桓太白逆行則其國有寇亂

客星犯守狗國天下有大兵入之夷人貢奇物一曰客星守狗國外夷之君長來中國犯之天下有大盜

狗星

總叙

狗二星在南斗奎前主守禦星失其常所戒在守禦之臣一

曰狗星移動則庶臣為亂

雜干犯占

熒惑舍狗星旱災羣狗嗥天下驚

太白守狗星守衛之臣作亂

客星入狗星多土工北夷大飢守之占全太白

天淵

總敘

天淵十星在鶩東南一曰天海一曰太陰主灌溉又主海中魚鱉

雜干犯占

月行天淵中臣踰主

五星守天淵海水溢大魚江河決

火星犯天淵荊州占曰大旱山枯焦

客星守天淵天下地動水出海魚出水與城平

流星犯天淵天下大水江海溢百川決

流星出天淵色青赤所之地大水色赤黃所之地大旱

彗字犯守天淵百川流溢人多徒死

天籥

總叙

天籥八星在南斗杓西主鎮籥開閉其星明則吉不明則管鎮籥无禁

雜干犯占

客星彗字守犯天籥天下關門閉塞道路不通

農文人

總叙

農文人一星在南斗西南箕星之東老農也主稼穡其星明則天下豐稔暗則飢不見則農失業一曰農文人主歲豐耗在箕東則歲熟在箕西則歲飢在箕南小旱穰在箕北大穰

雜干犯占

孛孛客星犯農丈人天下不耕

牛宿雜座

織女

總叙

織女三星在天市垣東一曰東橋一曰天女帝之女也主經緯布帛系象之事又主瓜果主收藏珍寶以制衣裳成文繡天之水官也星足常向扶筐牽牛扶筐牽牛亦常向織女之足移徙則布帛倍貴且有大喪一曰大星為母后二小星為女子王

者至孝神祇感應則織女三星俱明天下和平布帛賤不明  
則反是其大星怒而角則布帛貴一星不見則兵起女子為侈  
星不居其處天下以女子為憂石氏曰織女之道與貫索相  
直不相直則天下有急布帛貴織女入漢則天下婦女皆水  
行移動变色則地動牛疫微暗則天下女工廢織女一足亡則  
兵起女子為役亦曰女病和萌曰常以冬十月視織女晨出  
東方色黃赤精明則女工善不明則惡

雜干犯占

月犯織女女主凶



月暈織女兵起

歲星守織女黃帝占曰天下有女憂兵起不出其年

火星入犯乘守織女黃帝占曰兵起十年乃解一曰貴憂布帛  
系泉貴玉歷曰天下有女喪產婦多死

土星犯守織女天下有女憂兵起

金水犯守織女占全土星又曰后妃有憂

客星犯守織女天子女誅死陳卓曰后族有亂

客星入織女布帛五乘貴天下旱守其南方貴東西北皆然  
荊州占曰有兵十年乃解石氏曰有女使者君乘犯之君死

赤星入織女天子伐一國殘之

黃星入織女子受地

黑星入織女淫婦憂

青星入織子女以憂未

客星出織女宮人逃海中占曰后族為亂有戮臣一曰貴女有  
誅者

黑星出織女女子多懷子死赤兵黑水黃旱青飢白喪

客星守織女石氏曰有嫁娶之事若乍出乍入前后左右迴還  
之者以五色占之今前却前曰客星守織女山搖地動黃

白色則宮女有喜石氏曰客星出入織女有誅臣降王却萌  
曰客星居織女天下兵起有戰不出十日

流星犯衝織女女主不寧諸侯大憂

流星入織女女主憂若有白衣女來會一曰后族有黠者石氏  
曰有大水

流星出織女有賊自內出有白衣會一曰有兵民飢流亡

彗孛犯織女后族為亂貴女有誅者若出之甘氏曰有降王  
一曰女黨行政

蒼蒼白雲氣入織女女主憂病一曰人主憂出禍除

赤氣入織女有以女子故而嫁受誅者

黑氣入織女王者為女所害一曰女子多病死

白氣入織女有女喪

黃白氣入織女天子以女幸一家出之天子外得美女

漸臺

總叙

漸臺四星在織女東足主谷漏律呂之事臨水之臺也其星明則陰陽和律呂調不明則反是

雜干犯占

彗孛客星犯漸臺陰陽舛逆一曰帝出走

流星犯漸臺火災天子出走

輦道

總叙

輦道五星在織女西足天子嬉遊之道也其星動搖踈拆則

天子戒出遊

雜干犯占

金火守輦道御路兵起

流星犯衝輦道天子出獵

彗字出輦道御路中有伏兵天子宜戒警備不虞

河鼓

總叙

河鼓三星在牽牛北一曰天鼓一曰三武一曰三將軍中央星大將左  
星左將軍右星右將軍左星南星右星北星也巫咸曰河鼓  
全官也主金鼓又主斧鉞主外關主軍喜怒所以備關梁設  
險禦難其星正直而明大黃潤則吉易火則亂兵起怒則馬  
貴芒角將椎猛動搖則兵大出黃帝占曰河鼓直則將有功  
曲則將失計石氏曰河鼓不正或變色皆為兵憂

雜干犯占

月犯河鼓左星左將死犯右星右將死犯中星大將軍死有軍  
在外則敗无軍則兵起

歲星犯河鼓將有誅者視其所中若守之將有罪以五色占其  
吉凶

歲星入河鼓石氏曰諸侯之將出大兵起人主憂期一年

熒惑守河鼓黃帝占曰軍食絕春秋文懼鈞曰大將出有戰守  
中星大將憂守左右星左右將憂出速則兵罷速遲則兵罷  
遲期不出其年

太白守犯天桴兵起

客星守天桴漏刻失特

羅堰

總敘

羅堰三星在牛宿東主堤塘以畜水灌溉一曰馬作之象也主渠堰  
其星明大則大水為災

雜干犯占

客彗守干犯大水暴起

天田



總叙

天田九星在牛宿東南天子畿內田也其占與角北天田同

雜干犯占

歲星守天田年豐稔

大星守天田三三穀不反

水星守天田大水

太白提天田出入邾萌曰大水一曰五穀霜死

客星入天田天下飢

彗星犯天田農失業

九坎

總敘

九坎九星在天田南水官也主水旱之事黃帝占曰九以主溝渠通  
水泉瀉盈溢其星小而明則陰和川澤通流不明則百泉不  
通河海枯竭天下大旱人飢明大角張則有水災

雜干犯占

月暈九坎水災

五星犯守九坎天下旱五穀不登人大飢一曰行其陽旱行其陰大水  
火星守九坎名水不流又曰有火災

客星出九坎在陽為旱在陰為水

流星犯衝九坎王者大憂王后崩

流星入九坎巫咸曰有水旱之災從南入旱從北入水

彗星出九坎南大旱北大水

赤雲氣入九坎天下大旱

黑氣入九坎大水

女宿雜座

扶筐

總叙

荊州占曰流星入漢中貴人溺水

彗字出天津甘氏曰河津不通

彗字守天津天下大亂大旱

彗字犯天津賊斷道入漢中則有亡國

蒼白氣入天津中君有水憂

赤氣入天津天子有德令

黑氣入天津大水

赤氣出天津兵起

天津漢中有黑氣独居如席名曰雲漢不滿三日逢不出五日

必雨

黑氣狀如船若一疋布維河津間不出十日必有大雨

瓠瓜

總叙

瓠瓜五星一曰在離珠北一曰天雞一曰天瓠主後宮主厨中以和五味又主陰謀一曰瓠瓜主掌瓜果其星明則果實成歲豐不明則果物皆惡歲不登有大水川道不通黃帝占曰瓠瓜明則后宮多子孫不明則后失勢失常則地動山搖石氏曰瓠瓜星非其故則山谷水出天下不通焦延壽曰瓠瓜星不正若

不見或動搖皆為有賊人主者君以果實為敗

雜干犯占

五星犯守瓠瓜天下有憂果實貴君有遊兵魚盜貴十倍期  
一年

火星入瓠瓜中郊萌曰人主攻一邑殘之

火星出瓠瓜天下有遊兵不戰

火星守瓠瓜二十日甘氏曰狗群嗥雞夜鳴天下盡驚若有兵  
期一年

太白犯守瓠瓜玄冥占曰人主謀一邑殘之一曰天子以果賜諸侯

白兵起

辰星守瓠瓜二十日狗夜嗥雞夜鳴人及驚余同五星占

客星犯瓠瓜國政亂近臣相譖宮中有戮死者

客星入瓠瓜國大憂魚盜大貴獻食官有憂

客星入瓠色青果實有毒不可食色赤人主攻一邑殘之色白  
有喪色黑盜貴

客星出瓠瓜人主防毒藥一曰掌者有憂

客星守瓠瓜山谷多水

赤星出瓠瓜天下有兵不戰

流星入瓠瓜天下有憂若有獻瓜果者中有毒不可食

流星出瓠瓜 食官有憂魚鹽價十倍

流星犯衝瓠瓜天下不安

筭字犯瓠瓜人主因食瓜果而亡食官憂 守之果實不成魚  
鹽貴十倍 犯人之近臣相譖有死者

蒼白氣入瓠瓜果不可食出瓠瓜其禍除

赤氣入瓠瓜天子次一邑殘之

黑氣入瓠瓜天子食果致害

黃白氣出瓠瓜天子以果賜諸侯



敗爪

總叙

敗爪五星在致縣天南主瓜果其占與致爪同

離珠

總叙

離珠五星在須女北主後宮之藏府后夫人環佩之飾巫咸曰  
離珠女子之星也石氏曰離木也珠

環佩玉珠也君夫人之盛飾也主進王后之末服星明如常則  
后妃安微暗易處則后宮不安石氏曰離珠非其故則后宮

乱徙居危之陽大旱居危之陰大水五谷不登失色不明則  
后子不显所近不正

雜干犯占

五星犯离珠宮中有爭若有乱宮者若宮人有以罪黜者  
火星犯离珠兵起宮中

客星犯离珠後宮凶有以罪誅者期二年  
流星离珠或入之兵起宮中宮人有誅者

彗字出离珠後宮有乱

彗字犯离珠宮人有珠者若守之居陽大旱居陰大水

五谷不登人飢

十二國

總叙

十二國合十有六星在牛女之南近九坎分土而居列國象也  
齊一星在九坎東齊<sup>北</sup>二星為趙：北一星為鄭：北一星為  
越越東二星為周周東二星南北列而為秦：南二星為代  
西一星為晉：北一星為韓：北一星為魏：西一星為楚：南  
一星為燕其星有變動失常或他星守犯各以其國言災

雜干犯占

灵臺秘苑云其星有变及五星客彗守干犯各以其国占之

觀象玩占卷之二十八終